

IOANNIS ARGENTERII CASTELLONOVENSIS

De Consultandi ratione Liber.

Vide Consultatio.
nes medicae ff.
ratij Augenj fol.
429.

De utilitate huius tractationis. Cap. I.



BONS VLTANDI, siue ut Vulgus vocat, collegandi ratio omnibus modis utilissima est, ac digna profecto, in qua laborent ingeniosi, artisque nostræ studiosi. Nam ea nihil aptius inueniri potest in hac nostra facultate ad honorem, & famam comparandam; nimur quum quisque in consultationibus possit ostendere, quantum literarum studio profecerit, quidque medendi usu sit consequutus; Quamobrem saepius videmus inscitiam multorum, qui pro doctis diu sunt habiti, astutiamque pro virtute, simulata eruditione, ignaris venditarunt, in consultationibus perinde detectam; vt postea famam omnem, quam immerito sibi parauerant, amiserint; aliorum vero virtutem, quæ antea suis studijs contenta, multis hauquaquæ perspecta fuerat, aut fauore, vel aliorum inuidia obruta delituerant, statim emersisse, ac dignas suas laudes recepisse; Nec miru profecto, si quidem in consultationibus cognoscitur medicorum doctrina, ingenium, modestia, multæque aliæ virtutes, quæ benevolentia hominibus cōparare solent. Est præterea utilis hæc facultas ad ingenij exercitationem, quandoquidem necesse est medicū, qui audientibus tot alij doctissimis viris, in eisdemque studijs versatis, spectant et saepius nobiliū, eruitorumque virorū corona, de vniuersa sua arte nonnunquā dicturus est, se ita componere, & studio præmunire, vt & sua validissimis rationibus confirmare, & alijs nonnunquā firmis argumentis resistere, vel et illorum opinones (si forte à ratione alienæ fuerint) acriter refellere valeat. Ac non solū quidem medicis, sed etiam ægrotis, alijsque omnibus, quorum causa consultationes instituuntur, magna ex hac re prouenit utilitas. Ex bonis enim consultationibus bona resultant consilia, paranturque opportuna auxilia, spes quoque illis accrescit, acceditque obedientia, si prius non fuerat, dum vnius medicorum opera regebantur, aut si hæc aderant, confirmantur, quum vident multorum consilio sibi deliberata esse vitæ præsidia, quibus cōtemptis, sentiunt imminere magna vitæ discrimina. Quo magis profecto mirari licet, neminem de hac re tantopere necessaria, quidquā haec tenus literis mandasse, aut certè non satis expendisse, quid vniuersum hoc negotiū postulet, dū brevia quædā, ac nulla arte cohærentia præcepta quidā (vt audio) de eo tradiderunt. Nec est quod putemus id ab illis prætermissum, quod per se quilibet, quod in hac re querit, facile inuenire posset. Nam quum de vniuersis medicinæ partibus saepit in consultationibus tractandū; ac videamus omnes ferē medicos de ijsdem, diuersisq; rebus nec eodem ordine, nec modo discrere, prorsus id ostendit, arte esse opus, sine qua nemo vñquā, quid re & commodeve dicatur, intelliget. Quod si nihil aliud huius rei difficultatem ostendere possit, id nō obscurum est argumentum; quod doctissimi etiam homines putent hanc tractationem nulla arte posse contineri. De hac igitur re nos nonnulla trademus præcepta, quibus vel alios incitem ad meliora ex cogitanda; vel vt mihi materiam parem ad eadem aliquando maiore diligentia, & studio elaborāda. Ac ne temere procedat nostra tractatio, certa capitā in ea constituemus. Sic enim quilibet quod cupit facilius inueniet, & singula à suis fontibus ducta agnosceret.

Quibus constet consultandi ratio. Cap. II.

EL V D in hac re primum tradendum esse puto de quibus rebus sit in consultationibus differendum. Nam frusta alia querimus, nisi prius statuerimus, quæ, & quot sint à nobis explicanda. Deinde quidem de multis dicendum sit, medicum perspicere oportet, à quo sit auspicandum, & in quo desinendum. Vbi enim ordo adest, omnia inter se arte certa cohaerent, ac priora sequentibus lucem adserunt. Vbi vero sine ordine loquimur, omnia obscuriora reduntur, confundunturque. Dicent quidem de ijsdem rebus artis ignarus, & doctus; sed quum ille ignoret, quid primum, quidve deinceps ponи debeat, corrupto ordine inscitiam suam prodet; hic vero seruata rerum serie, & omnibus suis in locis dispositis, quam habet ex arte facultatem, omnibus admirabilem ostendet. Quibus positis, duo sequuntur, vt scilicet omnia probet certa aliqua ratione propositæ rei accommodata, & singula recte pronunciet. Nam si probatio rebus adlit, aut instrumentis eius abutamur, aut denique aliter quam oportet rebus probationes adhibeamus; generosum, & doctum, qualem fingimus, medicum haud quaquam agnosceremus. Quod si in pronunciatione erratum fuerit, illa quæ maximi alioqui sunt momenti, artificiosèque excogitata, gratiam

Ioan. Argent. De Consultandi Rat.

F suam